

Երկրի կենանքի կայունացումը զգացում էր և ժողովրդի, մանաւանդ, ոչ-հայ տարրերի վերաբերումից: Այլևս այնքան հեշտ չէր հակապետական տարրերին ոտքի հանելը: Այդ ցոյց տւին Կարսի ղէպքերը:

Տարւայ սկզբին դեռ ևս Կարսի մահամետական շրջաններում նկատուած էր տատանում. մի մասը կողմնակից էր Հայաստանի իշխանութեան, միւսները՝ թիւրքերի և ազրբէջանցիների դրդումով դէմ էին հայերին: Յունւ. 12-ին Չարուչատի, Աղբաբայի և Չըլբըրի ներկայացուցիչները ժողով դումարեցին Գեղարչին գիւղում և որոշեցին. 1) դադարեցնել առևտրական և ամէն յարաբերութիւն հայերի հետ. 2) արտաքսել հայկական իշխանութիւնը և կազմել տեղական իշխանութիւն՝ Ազրբէջանից ստացած դրամով. 3) 18—40 տարեկանների զորաշարժ անել և մարզել թիւրք սպաների ղեկավարութեան տակ. 4) երկաթուղու շրջանում և Ղըզըլ-Չախչախում դնել սեփական պահակներ:

Յունւարի կէսերին Չարուչատ եկան մի քանի ազրբէջանցի սպաներ Նազարալիևի գլխաւորութեամբ, խոշոր գումարներով, և սկսեցին հակահայ յարձակումները: Յունւ. 20-ին Իբիչ գիւղում սպանեցին 8 հայեր: Յունւ. 24-ին Չարուչատից և միւս շրջաններից դուրս քշւեց հայ պաշտօնէութիւնն ու միլիցիան: Թուրքերը գիւրքեր գրաւեցին Չուրգունայում և դէպի Արգահան ուղղեցին 500 ձիաւորներ: Յունւ. 27ին 400 զինւած թուրքեր գրաւեցին Շայնալար գիւղը: Չարուչատը, Աղբաբան և Չըլբըրը ապստամբեցին Հայաստանի դէմ: Այս շրջաններում բաւական ուժեղ էին և Հայաստանի կուսակիցները, բայց թիւրք-ազրբէջանցի զործակալներից ահաբեկւած՝ չէին կարող արտայայտուել:

Կառավարութիւնը ամէն միջոց սպառելուց յետոյ, հրաման տւեց զօրքին գէնքի դիմելու: Հակառակ արտակարգ ձեան ու սառնամանիքին, զօրավար Յովսէփեանի զօրամասերը արագութեամբ անցան գիւղից գիւղ, և ջախջախիչ պարտութեան մատնելով թշնամուն՝ փետր. 15-ին գրաւեցին բոլոր ըմբոստ վայրերը: Խոռվարար պարագլուխները փախան, և Չարուչատից, Աղբաբայից ու Չըլբըրից 25 ներկայացուցիչներ եկան յայտնելու ժողովրդի հնազանդութիւնը: Շրջանը հանդստացաւ:

Հանդիստ չմնաց, սակայն, Ազրբէջանը: Այս ղէպքերի առթիւ, մարտ 8-ին Ազրբէջանի Խորհրդարանում Մուսաւաթ, էհրար և Իթթիհատ կուսակցութիւններին պատկանող 21 պատգամաւորներ մտցրին հարցապնդում, որի մէջ ասում էին, թէ՛ «հայկական կառավարութիւնը, գինաթափութեան պատրւակով, քարուքանդ է անում Կարսի շրջանի մահամետական գիւղերը և բնաջնջում մահամետական խաղաղ բնակչութիւնը: Մօտ 10,000 մահամետականներ, հակառակ որ յօժար կամքով յանձնել են գէնքերը, շրջապատուած են կանոնաւոր հայ զօրքերով և ենթարկւում են վերջնական կոտորածի»:

Նոյն օրը, ժամը 12-ին, նշանակւեց Խորհրդարանի արտակարգ նիստ, ուր վարչապետ Ուսուպէգովը տւեց մանրամասն բացատրութիւններ, որից յետոյ տեղի ունեցան փոթորկայոյց վիճաբանութիւններ: Գրեթէ անխտիր,